

AWIG – AWIG
DESA ADAT SUBILANG



DESA BUKIAN
KECAMATAN PAYANGAN
KABUPATEN GIANYAR

P I D A G I N G

MAKA BANTANG AWIG-AWIG DESA ADAT SUEILANG

MURDDHA - CITTA

	WIDANG
PRATHAMA SARGAH ARAN LAN WAWIDANGAN DESA	1
DWITYA SARGAH PATITIS LAN PAMIKUKUH	2
TRITYA SARGAH SUKERTA TATA PAKRAMAN	2
Palet 1 Indik Krana	2
Palet 2 Indik Prajuru / Dalun Desa.....	5
Palet 3 Indik Kulkul	6
Palet 4 Indik Paruman	7
Palet 5 Indik Druwen Desa	8
Palet 6 Sukerta Pamitegep	10
Kaping 1 Karang, tegal lan carik ...	10
Kaping 2 Pepayonan	10
Kaping 3 Wewangunan	11
Kaping 4 Wewangunan	11
Kaping 5 Bhaya	12
Kaping 6 Penyanggaran Banjar	13
CATHURTAS SARGAH SUKERTA TATA AGAMA	
Palet 1 Indik Dewa Yadnya	13
Palet 2 Indik Resi Yadnya	17
Palet 3 Indik Pitra Yadnya	17
Palet 4 Indik Manusa Yadnya	21
Palet 5 Indik Ebuta Yadnya	21
PANCAMA SARGAH SUKERTA TATA PAWONGAN	
Palet 1 Indik Pawiwahan	22
Palet 2 Indik Nyapian	24
Palet 3 Indik Sentana	25
Palet 4 Indik Warisan	27
SAT SARGAH WICARA LAN PAMIDANDA	/
Palet 1 Indik Wicara	29
Palet 2 Indik Pamidanda	29
SAPTAMA SARGAH NGUWAH-NGUWUHIN AWIG - AWIG	30
ASTHAMA SARGAH S A M A P T A	31

MURDHA CITTA

AUM, OM

Om Swastyastu, Om Awighnamastu Nama Siddham,

Malarapan panghyangning Ida Sang Hyang Widhi Wasa, esung kerta ngraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya. Desane kamanggehang Bhuwana Agung, pawonganya sowang-soweng pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahaaning kahyangan, panyiwian desa genah ngarcana Ida Hyang Parama wisesa, maka jiwane desane.
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palembang, tanah kakawuhan desa, sinanggeh stula sariraning desane.

Adung patemon bhuwana kalih, larapen santa Jagadhita, sinanggeh murdhaning prayojana pangriptaning Awig-awig Desa Pakraman ring sabha Krama Desa Adat Subilang.

Pamutus sabha inucap pinaka sepat siku-siku pamatut, wasu praaida prayojanan mami kabeh prasama anghidep muwah amagehaken ladi linging Awig-awig iki.

PRATHAMA SARGAH

APAN LAN WAWIDANGAN DESA

Pawos 1

(1) Desa Adat Paniki mawasta Desa Adat Subilang.

(2) Jebar kakawuh wawidangananya mawates nyatur :

- ha. Sisih Wetan ring Desa Adat Bukisan;
- na. Sisih Kulon ring Desa Adat Semson;
- ca. Sisih Lor ring Desa Adat Paha;
- ra. Sisih Kidul ring Desa Adat Lebah;

(3) Desa paniki kawangan antuk karang ayaban Desa lan kurang gunakaya kaepah dados 4 (petang) bebenjaran, soong-soong sinanggeh tempekan luwire:

- ha. Tempek/banjar Lor wetan (Kaja Kangin);
- na. Tempek/banjar Kidul Wetan (kelod Kangin);
- ca. Tempek/banjar Kidul Kulon (kelod kauh);
- ra. Tempek/banjar Lor Kulon (kaja kauh).

DWITYA SARGAH.....

DWITYA SARGAH
PATITIS LAN PAMIKUKUH

Pawos 2

Desa Adat Subilang ngamanggahang pamikukuh minakadi :

- ha. P a n c a s i l a ;
- na. Undang-undang Dasar 1945 pamakas Pasal 18;
- ca. Paswara sang mawangrat nganinin indik Desa Pakraman;
- ra. Tri Hita Karana manut sada cara Agama Hindu.

Pawos 3

Luwir Patitis Desa Adat Subilang minakadi ring sor :

- ha. ngukuhang miwah ngrajegang Sang Hyang Agama;
- na. nginggilang tata Prawertine maagama;
- ca. ngrajegang kasukerten Desa saha Pawongannya sakala iwan niskala.

TRITYA SARGAH
SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maagama Hindu saha ngamong karang utawi jenek mapaumahan ring sawidangan desa adat Subilang.
- (2) Sajaba punika sinanggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
- (3) Indik Tamiyu punika manut pararem.

Pawos 5

Krama Desa wenten 4 (petang) pawos, luwire :

- ha. krama ngarep, kula warga sane ngamong karang, utawi, manut pararem;

na. krama.....

- na. krama roban inggih punika kulawarga sane nenten ngamong karang nanging sampun mawiwaha;
- ca. krama balu inggih punika, krama sane katinggal seda olih lanang utawi istri nyane, utawi sangkaning nyapihan krama balu inucap kabinayang dados :
 1. Balu makrambian, inggih punika balu sane maduwe sentana dereng marabian utawi dereng antes ngayah.
 2. Balu ngalisting, inggih punika balu sane tanpa sentana.
- ra. krama-tapukan, kulawarga manut aksara ha utawi na ring ajeng sakewanten durung antes ngayah utawi salami kantung masekolah malarapan ilikita pastika saking sekolahnya, manut pararem.
- ka. krama teruna teruni inggih punika para wimuda sane maagama Hindu sane sampun mayusa sawatara 13 (telulas) warsa tur jenek mapaumahan ring sawidangan Desa Adat Subilang. Krama teruna-teruni puniki ngamong utawi nyanggra ayah-ayahan mararesik ring parahyangan sawawengken Desa Adat Subilang tur ayah-ayahan sane lianan manut pararem.

Pawos 6

Ngawit dados Krama Desa :

- ha. Sangkaning ngamong karang, jenek mapaumahan utawi manut pararem;
- na. mawiwit pawiwahan.

Pawos 7

Panamaya tedun makrama Desa:

- ha. Rauh pasangkepan saha majalaran antuk paigum saderengnya arép ring krama sane ngamong karang ayahan desa;
- na. Ngantos asasih mawiwit pawiwahan;
- ca. Jenek mapaumahan manut pararem.

Pawos 8

Sahanan Krama Desa keni tategenan luwire :

- ha. ayah ngarep, mapiteges urunan miwah ayahan mamungkul;
- na. ayah roban, mapiteges urunan mamungkul miwah ayahan ring Pura Dalem;
- ca. ayah balu lanang wiadin balu istri katapuk awarsa ring ayah ngarep;
- ra. ayah tapukan, keni urunan mamungkul kaluputang ayah-ayahan awarsa;
- ka. prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni pamidanda manut pararem, tanjek laler kawastanin.

Pawos 9

Swadharmen Krama, sewosan ring tategenan, luwire :

- ha. Tinut saturut ring sadaging Awig-awig, pararem lan paswaran Desa;
- na. Tan maren ngutsahayang mangda Desane mrasidhayang nyujur, manut patitis;
- ca. Tinut saturut ring Guru Wisesa.

Pawos.....

Pawos 10

Swadharman Tamiyu, luwire :

- ha. Timat saturut ring yasa kertin Desane;
- na. Ten piwel ring sadaging Awig-awig, pararem lan paswaran Desa;
- ca. Nyedokang raga ring Prajuru arahina sasampun jumenek malarapan antuk ilikita pastika saking desane utawi sang ngawawenang;
- ra. Yan ten timat pacang kairid (tan kadadosang jumenek ring Desa).

Pawos 11

Pilih-olihan Krama :

- ha. Pilih pasayuban sakala niskala tur kabawosin saba katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru, manut pararem.

Pawos 12

Krama Desa Adat kadadosang :

- ha. mapangkid utawi tan tedun rikala:
 - 1) otonan, wenten kakaryan ring subak, mayadnya, sungken, kaluwasan (jantos rawat inap), lan siosan punika manut pararem;
 - 2) kengin tempo wantah apisan, sajawanin wenten wak-wakan saking Prajuru Desa.
- na. nyada, mapiteges ngamedemang ayah, risampun mayusa 65 (nem dasa lima) warsa, tur tan dados nyuksukin (mangge ring krama roban);
- ca. nyade, utawi nyuksukin, sane kawenangang risampun manggeh deha-teruna utawi mrasidayang nganutin krama, mayusa kirang langkung 17 (pitulas) warsa;
- ra. ayah arep wiadin sampun mayusa 65 (nem dasa lima) warsa tan dados nyada mapiteges ngamedemang ayah sadurung maduwe panyaladihi;
- ka. nutug ayah utawi ngentos ayah-ayahan antuk arta brana saantukan kapialang minakadi kajudi olih sang angawarat utawi kaluwasan ka dura desa. Ageng pangentos ayah-ayahan punika manut pararem;
- da. yaning wenten sinalih tunggil krama desa kajudi olih sang angawarat utawi prajuru/dulu desa tan keni dadosan salami ipun kaluwasan.

Pawos 13

Wusan dados Krama Desa, luwire :

- ha. Sangkaning :
 - 1) Pinunas ngaraga, manawi kesah kadura Desa utawi ngalangkungi sagara;
 - 2) Kanorayang.....

- 2) Kanorayang , duaning sampun tan prasida ngezehin salah maprawerti satata nguwug pamargin Awig-awig.
- 3) Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa. mangda sampunang kasinanggeh empak ngelanting.

na. Sang wusan makrama :

- 1) Patut ngaturang karang ayahan ka Desa, prade karang punika karang Desa;
- 2) Tan polih pah-pahan saking padruweyan Desa;
- 3) Tan polih pasayubab sajroning ala ayu.
- 4) Sang wusan makrama desa/Banjar prade mawali malih patut nawur saurah arih tategenan krama manut pararem.

ca. Sang wusan sangkanin kanorayang, prade mawali malih patut:

- 1) muntasang saluwir pamidanda utawi tategenan sane ngranayang kanorayang;
- 2) nunas geng pangampura ring paruman desa maduluran panyangaskara panyapsap kaiwangan duwaning nguwak pasubaya pecak.

Palet 2

Frajuru lan Dulun Desa (Panglingsir)

Pawos 14

- (1) Desa Adat Subilang kaenter olih Bendesa Adat.
- (2) Banjar utawi tempekan kaenter olih Klihan Banjar.
- (3) Bendesa lan Klihan Banjar patut :

na. mawiwit saking krama ngarep/wed kajangkepin antuk:

- 1) Uning ring aksara latin utawi Bali;
- 2) Uning ring tata titining mawa desa;
- 3) Uning ring pariindik Agama lan Adat;
- 4) Lescarya ngayah tur madruwe perilaksana sane rahayu;
- 5) Tan ceda angga.

na. kaadegang malarapan antuk kacatri olih parumannya soang-soang nyabran 5 (limang) warsa, sejawaning wenten pariindik tiros, tur dados kacatri malih;

ca. maduluran Dewa saksi ring Pura Bale Agung.

Pawos 15

- (1) Bendesa Adat kasanggara olih :

na. Patajuh utawi Pangliman pinaka wakilnya;

na. Panyerikan pinaka juru surat;

ca. Patengen utawi juru raka pinaka pangamong druwen Desa;

ra. Kasinoman pinaka juru arah.

- (2) Kasinoman akahnya manut kawigunan saha maganti nyabran 6 (nem) sasih ring desa karang lan nyabran awarsa ring banjar roban (banjar dalem).

- (3) Sajeroning ngenterang kasukertan niskala, Bendesa mingsinggihang Pamangku Kahyangan Desa utawi sang Kumage Sulingsih.

Pawos

Pawos 16

- (1) Swadharmaning Bendesa Adat luwire :

ha. ngenterang pamargin sadaging Awig-awig miwah pararem Desa;
na. muntun tur ngenterang krama rawuhing warga Desa sami ngupadi manut patitis;
ca. mawosin kalih niwakang pamutus arep ring wicara warga Desa;
ra. maka dutta Desa matemuang bawos ring sapa sira ugi.

- (2) Prade Prajuru iwang parilaksana keni pamidanda nikel ring kaiwangan soang-soang krama, tur dados kararyanang manut pararem.

Pawos 17

- Patias utawi olih-olihan Prajuru/Dulun Desa, luwire :

ha. luput rerampen;
na. polih tanding tengah;
ca. upon pacatu/palaba carik/tegal manut pararem;
ra. patias sewosan manut pararem.

Pawos 18

- (1) Prajuru / Dulun Desa kagentosin riantukan :

ha. s e d a;
na. kanorayang dwaning iwang pamargi utawi nilar sesana;
ca. wit saking pakayun utawi pinunas ngaraga sasentukan wenten kapialang;
ra. Sampun telas wanengnyane amengku prajuru.

- (2) Ngentosin Prajuru/Dulun desa patut sajeroning partunan tur kaingkupin olih Krama Desa.

Palet 3

Ihdik Kulkul

Pawos 19

- (1) Kulkul ring Desa Adat subiliang luwire :

ha. Kulkul ring Kahyangan;
na. Kulkul Desa/banjar;
ca. Kulkul Sekas-sekaa.

- (2) Tabuh tatepakan kulkul ring Kahyangan Desa :

ha. kulkul ring kahyangan:
Kulkul ring kahyangan katepak guntit/silih esih pinaka tengeran wenten yadnya/upacara.

ha. Kulkul Desa :
1) Tepakan bulus :

ha. Bulus.....

- ha) Bulus 3 (tigang) tulud, tengeran kageni bhaya;
 - na) Bulus 2 (kalih) tulud, tengeran kapandangan (arthe bhaya);
 - ca) Bulus atulud, tengeran jiwa bhaya;
 - ra) tigang klentungan bulus panjang, tengeran lindu, er, lan pawana bhaya.
- 2) Tatepakan lambat :
- ha) 2 (duang) tulud, tengeran tedun ngayah utawi wenten pakaryan;
 - na) Tatepakan lambat atulud bawak, tengeran wenten krama kalayu sekaran.
- 3) Klentungan :
- ha) Tatepakan 9 (sia) klentungan, tengeran rare embas;
 - na) Tatepakan 7 (pitung) klentungan, tengeran pawiwahan;
 - ca) Tatepakan 5 (limang) klentungan, tengeran kalayu sekaran rare;
 - ra) Tatepakan 3 (tigang) klentungan, tengeran ngawang-deang karya/tedun.

Pawos 20

- (1) Kulkul ring kahyangan tan wenang katepak yening tan wenten yadnya utawi nedunang/ngrawuhang Ida Bhatara.
- (2) Kulkul Desa tan wenang katepak yening tan sangkaning pituduh prajuru desa, sajawaning tengeran bhaya.
- (3) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang mamurug kadanda manut pararem.
- (4) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa sajawanin tengeran bhaya, prade mamurug taler kadanda manut pararem.

, Palet 4

Indik Paruman

Pawos 21

- (1) Paruman/sangkepan ring Desa Adat Subilang kapalih kadi ring gor:
 - ha. paruman/sangkepan kawentenang nyabran ngasesih tanpa arah-arah, dwaning sampun tetep panamaya manut pararem. Pasangkepan punika kapalih dados kalih, inggih punika:
 - 1) Paruman/pasangkepan Desa Karang kawentenang nyabran Sariscera Kliwon utawi nyabran Tumpek;
 - 2) Paruman/pasangkepan Banjar Roban/Banjar Dalem kawentenang nyabran Anggarkasih.
 - na. Paruman napkala, majalaran antuk arah-arah manut tatujon;
 - ca. Paruman Prajuru/dulun desa kawentenang manut wiguna;
 - ra. Paruman sekaa-sekaa manut pabuat.

(2) Paruman.....

- (2) Paruman Desa utawi Banjar madudonan sakadi ring sor :
- na. prasida lumaksana risampung katedunin olih sang patut ngamiletin, kamanggala antuk tengeran kulkul miwah mabusana Adat madya;
 - na. tan kalugra ngawetuang suwara gora utawi byota, yan wenten asapunika keni pamidanda beya pacamil manut pararem;
 - ca. pamutus babawos berluk sapanggul (ingkup) punika kamanggehang.
- (3) Prade pidaging paruman tan kaingkipun mangda Prajuru/Dulun Desa ngilikang babawos, saha pamutusnya mangda kararemin olik Krama Desa, bilih tan prasida kasungkemintantos ping tiga Prajuru/Dulu wenang nunas bawos ring Sang Ngawa Wenang.

Pawos 22

- (1) Sajeroning paruman Desa, Bendesa patut nyobyahang pamargin ngenterang Desa, pamekan nganinin indik:
- na. munjuk lungsuring pakraman saha ayah-ayah, sulur arta berana, druwen Desa;
 - na. Rarincikan Prajuru / Dulu nganinin usaha Desa kapungkur.
- (2) Pamutus paruman Desa sinanggeh pararem maka pamitegep daging Awig-awig.

Pawos 23

- (1) Sangkepan Prajuru/Dulun Desa kawenangang wantah ngarincikang pangerencana usaha Desa kapungkur.
- (2) Sangkepan Prajuru /Dulun Desa tan kawenang ngawedalang tategenan ring Krama sadereng kaingkipun olih Krama Desa ring paruman.
- (3) Pamutus sangkepan prajuru/Dulun Desa ngawetuang pasuwara, maka pidaging pituduh sang Ngawawenang utawi ngonekang pecak pararem krama desa.

Falet 5

Indik Druwen Desa

Pawos 24

Padruwen Desa Adat Subilang sakadi ring sor :

- na. Kahyangan Desa luwire :
- 1) Kahyangan Tiga : Pura Desa lan Bale Agung, Pura Puseh, Pura Dalem lan Praja Pati.

2) Pura.....

- 2) Pura Petapan.
 - 3) Pura Kandelan.
 - 4) Pura Puseh Padpadan.
 - 5) Pura Tegal Suci.
 - 6) Pura Catur Bhwana.
- na. Wantilan Desa;
ca. Tanah tegalan (manut ilikita);
ra. Karang ayahan Desa, munjuk lungsur saking 36 (tigang dasa nem) karang ring ajeng;
ka. Setra palebahan;
da. Palaba Pura, carik/tegal (manut ilikita);
ta. Lelanguan, makadi tetabuhan marupa gong;
sa. Muwah padruwean tiyosan.

Pawos 25

Picilih-olihan Desa Adat Subilang luwira :

- ha. Olih-olihan saking palaba Pura;
na. urunan Krama Desa Adat;
ca. paica saking Guru Wisesa;
ra. paica-paica sane tiyosan, sane patut;
ka. utsaha Desa Adat sane tiyosan.

Pawos 26

- (1) Prajuru / Dulun Desa wenang ngetangang pamupon laba Pura lan sapanunggalan druwen Desa.
- (2) Pikolih lan pamuponnya kaanggen prabeya piodalan saha wewangunan ring Pura miwah anggen kabuatan Desa Adat.
- (3) Nyabran pasangkepan Desa, Prajuru /Dulu pangamong druwen desa nguningayang pariindik munjuk lungsur ring padruwean ring Krama Desa.
- (4) Sakaluwiring druwen Desa patut wenten ilikitannya.
- (5) Tan kalugra ngadol utawi ngesuhang padruweyan Desa ,yan tan kasungkemin olih Krama Desa ring paruman.

Palet 6

Sukerta Pamitegep

Kaping 1

Karang, Tegal lan Carik

Pawos 27

- (1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pagahan mangda pakantenannnya asri.

(2) wates.....

- (2) Wates sisi kaler miwah kagrin patut kakaryanin olih sang ngomong karang ayahan inucap, sane mawasta gegaleng kaluan, sajawaning tanah pacatu, tegal, carik utawi tanah padruwayan ngaraga, sane kapiara watese sisi klod miwah kaub utawi manut drestha reb punika mawasta gegaleng kateben.
- (3) Prade karasayang pagedan/turus inucap ngalikadin, yan pada arsa panyandinge, kengin watese nganggen pinget kewarten, kasakainin olih Prajuru/Dulun Desa utawi pracihna pal saking Sang Ngawawenang.
- (4) prade wenten karang kabebeng /ambat mangda kautsahayang wenten pamarginnya,manut paigum lan pararem.
- (5) Tan kengin:
 - ha. ngentungan wangken wewalungan kapakarangan/tegal anak lion, kalih kamargine utawi katukade;
 - na. ngembahang toya wit saking badan wewalungan, kakus, pasiraman, pawaregan, kategal, carik, kamargine utawi katukade, miwah sane siyosan, sane ngawinang ambu kawon;
 - ca. Prade wenten sakadi ring ajeng keni pamidanda manut pararem.

Pawos 28

- (1) Sinalih tunggil Krama Desa/Banjar tan kalugra :
 - ha. Ngalah-alah margi, tegal ayahan Desa, karang Desa, lan saparunggalannya;
 - na. ngalah-alah tanah linggih kahvangan, tegak setra, lan sakancan linggih sinanggeh suci.
- (2) Prade wenten sakadi ring ajeng ,sang ngalah-alah wenang ngawaliang tanah inucap saha keni pamidanda manut pararem kadulurin upakara prade ngalah-alah tanah suci.

Kaping 2

P e p a y o n a n

Pawos 29

- (1) Ngawit nandur pepayonan tanem tuwuh patut adepa agung (kirang langkung 1,5 meter) ngajeroang saking wates,prade jantos ngaliwat wates wenang kasepat gantungin.
- (2) Yening wenten tatanduran ngungkulin,samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor .
- (3) Prade sampun kawara teler tan wenten usaha sang nruwenang wit,sang rumasa katetehan/kajerihan wenang masadok ring prajuru/Dulu, tur risampun keparitatas kalugra mademang wit inucap,sakewanten patin pepayonan patut katawur manut pangeloika sane nepasin.
- (4) Sang keni pamidanda panyangeskara saha prabeya manut pararem arep ring wewangunan sang karubuhin,luwire;

ha.sang.....!.....

- ha. Sang nruwenang wit sinanggeh mayanin, prade pangkat ngarubuhin wewangunan krama tiyos;
na. Sang notor, munggul utawi ngarebah taru tur ngarubuhin krama tiyos.
- (5) Prade wenten wit mentik sajronin wates patut kapademang, mangca tan ngranayang wicara. Prade sampun ageng kapademang, wit punika pinara tiga :
ha. Apah tiga katur ring sang nruwenang wit.
na. Apah tiga katur ring sang panyandingnya.
ca. Apah tiga katur ring Desa Adat.
- (6) Krama Desa patut ngamanggehang kawerdian tanem tuwuh sane ngawinang Desane asri.

Kaping 3

Wewangunan

Pawos 30

- (1) Nyabran ngawangun patut :
ha. masadok ring Prajuru / Dulu, ping ajeng prade wewangunan nganinin wates;
na. ngangge sukat asta bhumi miwah gagulak aste kosala - kosali, sanistane manut ring patitis niskala;
ca. tan nyayubin kapisaga.
ra. Tan dados ngembahang toya wit saking jempeng/WC miwah belem-beng/bada ka pisaga.
- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar utawi sanistane mangda kakeryanang abangan.
- (3) Yaning pacang makarya jempeng (WC), kandang wewalungan, miwah panyemuhan busana, tan kadadosang nampek ring genah sane sinanggeh suci.

Kaping 4

Wewalungan

Pawos 31

- (1) Warga Desa sane mamiara wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih jantos ngaranjing ngaletihin Kahyangan.
- (2) Prade wenten wewalungan malubar utawi ngeleb ngarusak pakarangan/pabianan Krama sewos, risampun kawara dados kataban tur kadanda ngawaliang wit sane karusak saha nawur panebas papiaran tetabanen, manut pangeloikan Prajuru/Dulun Desa.

(3) Prade... ..

- 4) Yaning wenten jatma ngaranjing kapakubon wiadin pakarangan jatma tiyos rikala suwung, mawestu sang madruwe karang kaicalan. wenang jatma inucap katuwekang antuk madewa saksi ring Pura Bale Agung.
- 5) Mangda tan katuwekang manut sakadi ring ajeng, aasing-asing ngaranjing kapakubon jatma tiyos patut :
 - ha. matengeran suwara (makaukan);
 - na. nyantos sang nruwenang karang rawuh utawi masadok ring pangapit pinih tampek, maka buatan pangarandinge;
 - ca. pamedal karangnya kadagingin sawen, maka cihna pangarah rikala suwung.

Kaping 6

Panyangran Banjar

Pawos 34

- Krama Desa rikala ngawentenang karya suka-duka, patut kasanggra blih Banjar, luwire :
- aa. Prade ngawangun Pitra Yadnya utawi Manusa Yadnya, manut pinunas sang mayadnya;
 - ba. Pangarombo utawi karya gotong-royong krama jantos ping tiga, langkungan ring punika patut katuran pangingu;
 - ca. Pangingu rikala Pitra Yadnya manut abot dangan Yadnya, prade saking semengan ngantos wengi katuran pangingu ping kalih.
 - da. Pangarombo tiyosan manut pararem.

CATHURTAS SARGAH

SUKERTA TATA AGAMA

Falet 1

Indik Dewa Yadnya

Pawos 35

- (1) Kahyangan Panyiwian ring sawidangan Desa Adat Subilang luwire :
 - ha. Kahyangan Tiga, Pura Desa/Bale Agung, Puseh miwah pura Dalem lan Prajapati;
 - na. Pura Patapan;
 - ca. Pura Tegal Suci;
 - ra. Pura Puseh Padpadan;
 - ka. Pura Kandelan;
 - da. Pura Catur Ehuana.

(2) Rahina.....

- (2) Rahina Piodalan ring soang-soang kahyangan inucap, kadi ring sor;
- ha. Ring Kahyangan tiga, luwire;
 - 1) Pura Desa/Bale Agung, rikala Bhuda Kliwon Wuku Dunggulan;
 - 2) Pura Puseh, rikala Saniscara Kliwon (tumpek) Wuku Landep;
 - 3) Pura Dalem lan Prajapati, rikala Bhuda Wage Wuku Langkir;
 - na. Pura Patapan lan Pura Tegal Suci rikala Bhuda umansi Wuku Julungwangi;
 - ca. Pura Padpadan rikala anggara kliwon (anggara kasih) wuku perangbakat;
 - ra. Pura Kandelan rikala Saniscara Kliwon (tumpek) wuku Wariga;
 - ka. Pura Catur Bhuana rikala Saniscara Umansi Wuku Watugunung.
- (3) Pengaci ring Pura inucap manut kecap sastra Agama, saha kalaksanayang nista, madia, utama manut kawentenan lan pararem
- (4) Fangempon soang-soang Pura manut dresta kadi ring sor:
- ha. Pura Puseh/Bale agung, Kaempon olih 6 (nem) Desa Adat, luwire: Desa Adat Subilang, Desa Adat Bukian, Desa Adat Lebah A, Desa Adat Tiyingan, Desa Adat Dasong lan Desa Adat Amo indik pangacine kalaksanayang magilir nyabran warsa. Soang-soang Desa Adat polih giliran ngenem warsa;
 - na. Pura puseh, keempon olih krama desa karang Desa Adat Subilang;
 - ca. Pura Dalem lan Prajapati keempon olih krama banjar dalem desa adat Subilang;
 - ra. Pura Patapan lan Pura Tegal Suci, kaempon krama Desa karang Desa Adat subilang;
 - ka. Pura Puseh Padpadan kaempon olih krama desa karang Desa Adat Subilang;
 - da. Pura Kandelan kaempon olih krama desa karang Desa Adat Subilang;
 - ta. Pura Catur Bhuana kaempon olih krama banjar Dalem Desa Adat Subilang.

Pawos 36

- 1) Ring soang-soang Pura inucap patut kadegang Pamangku;
- 2) Ngadegang Pamangku manut dudonan kadi ring sor:
- ha. Nyanjaan utawi masemurang, soang-soang mapiteges mapinunas ring ajeng Pura wiadin kadura Desa manawi ring balian konteng, lan sapanunggilannya;
 - na. Turunan utawi waris;
 - ca. Kacatri olih krama Desa.
- 3) Tan kawenang adegang Pamangku luwire :
- ha. Ceda angga makadi pecang, perot, cungh lan sapanunggilanipun;
 - na. Sang sapa-sira ugi sane tan kapatutang manut pararem;
 - ca. Sakit ila, ayan, buduh wiadin edan;
 - ra. Sane tan madrebe kasucian urip.

(4) Prabia.....

(4) Prabla kapamangkuan :

- ha. Adiksa Widhi (ngawintenin) lanang istri kamedalin bahu kalaksanayang olih sang. ngadegang, makadi krama Desa utawi pangempon Pura soang-soang;
- na. Mapitra Yadnya riwekas lanang miwah istri patut kasungkem olih Krama Desa utawi pangemong, panyanggrane manut pararem prade Yadnya inucap kalaksanayang olih kulawarga sang pamangku.
- ca. Sinalih tunggil krama yan wenten ngipik-ipik sapari polah pamangku, nanging pamangku tan sapunika pari polahnya kadi sane kaipik-ipik, wenang jadma inucap kasalipang nyuciang pamangku, manut pararem.

(5) Pamangku patut ngamanggehang sasananing Pamangku luwire :

- ha. Ambek Dharma sadhu;
- na. Asewaka Dharma, makadang sastre utama;
- ca. Tan parek ring naya dustha;
- ra. Tan atayub ring tarub camara yudha;
- ka. Tan manjing ring umah wong banija karma;
- da. Tan manjing ring umah wong drati krama;
- ta. Tan wenang ajajuden;
- sa. Tan anginum using angawe mada;
- wa. Tan pati pikul-pikulan;
- la. Tan salah suluh;
- ma. Tan wenang anayub upadrawaning cor, yan mawiyawahara teka wenang adewa saksi;
- ga. Tan griganing wong akweh;
- ba. Tan keneng cuntakaning wong len, sajawanin kulawarganya tunggil natah, utawi pasiwanya manut dresta;
- nga. Tan wenang angamet istri larangan.

(6) Prade mamurug, wenang Pamangku nyepuhin raga kasaksinin, olih Prajuru Desa.

(7) Yan pacang ngawalat rabi wenang ngaturang rumuhun pawintenanya, ring pura genahnya madeg pamangku nguni, tembenya wawu wenang ngawalet rabi, riwus upacaranya wenang ngawana wasa salaminya awarsa, wus punika wawu mawinten lanang istri kadi pawintenanya nguni.

Pawos 27

Swadharman Pamangku luwire :

- na. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinunggil Pamangku kapialang utawi cuntaka, kengin nguntap Pamangku kahyangan desa tiosan utawi nuwur sang sulinggih;
- ca. Samaliha yan sampun Pamangku ngayah ring Pura kancit wenten kulawargannya seda, Pamangku inucap tan keneng cuntaka sakewanten Pamangku tan budal salami piodalan.

Pawos

Pawos 38

Patias utawi olih-olihan Pamangka luwire :

- na. Panyelasan miwah sarin canang ring soang-soang pakubon krama Desa;
- na. Upen palaba carik miwah tegal manut pararem;
- na. Luput pakaryan, rerampen/reramon;
- na. Patias sewosan manut pararem.

Pawos 39

(1) Pamangka kagentosin riantukan :

na. S e d a :

- na. Pinunas ngaraga, sangkanin kageringan lan sapanunggalannya;
- ca. Kauwusang olih krama sangkanin malaksana sane tan patut.

(2) Prade Pamangu kauwusang sangkaning malaksana tan patut keni pamidanda manut pararem saha ngawaliang prabiya pawintenannya pecak.

Pawos 40

Kasukerta Kahyangan kadi ring sor :

na. Tan kalugra ngaranjing kapura luwire :

- 1) Sang katiben cuntaka makadi sebel ring raga utawi kapademen;
- 2) Makta sahanan barang sinaggeh ngaletihin;
- 3) Sato agung, sajawaning rikala mapapada;
- 4) Mabuwana sane tan patut kadi tatacaraning ngaranjing kapura;
- 5) Sadereng polih wak-wakan (pituduh) Prajuru /Dulun Desa.

na. Pratingkahe tan wenang ring Pura :

- 1) Masumpah (cor) sajawaning pituduh Prajuru/Dulun Desa;
- 2) Wak parusya/wak capela, makobetan, massenenengan, makolem dados asiki lanang wadon mabacin, mawarih, macecepin yare, majaljal/majengilan nyangsang busana, menahin pusungan (santukan panika rikala majajahitan patut maggelung busung macingor lidinya);
- 3) Monggah tedun palinggih sajawaning pituduh Prajuru/Dulu.

ca. Sang mamarug kecap ring ajeng keni pamidanda pamrayascitta sapatutnya.

Pawos 41

(1) Yan wenten jadm karawuhan ring Pura, dados kapintonin prade rumasa kasumangsayan, yan tan wiakti, jatma inucap kasialpang manut pararem.

(2) Prade Kahyangan kehanan durmanggala, minakadi keni bhaya Pamangu/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascitta sapatutnya.

Palet.....

Palet 2

Indik Resi Yadnya

Pawos 42

- (1) Sang pacang madeg Pandita utawi Pinandita minakadi Balian Sonteng, Kubayan, Dalang, sakaluwiring sane Jagi ngenterang Yadnya patut masadok ring Prajuru Desa utawi Pariaada Hindu Dharma Indonesia.
- (2) Prajuru Desa patut ngawas nitenin tur wenang ngalangin prade wenten kacihnian nyasarring kakecap miwah drestane, tur sareng nyaksinin upacara saha nyobyahang ring paruman Desa tegap rawuhing wates kawenangannya ngenterang yadnya.
- (3) Krama Desa patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru/Dulun Desa.

Pawos 43

- (1) Sang Sulinggih lan pamangku patut ngariyining muputang ring wawidangan Desa Adat Subilang, sasampun punika wawu muputang yadnya kajebar tios Desa utawi kadura Desa.
- (2) krama desa sami patut sareng ngawas nitenin katuntun olih Prajuru/Dulun desa, mangda sahanan yadnya sane kawentenang kaicen pamuput olih Padanda utawi Pinandita manut kawenangannya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

- a. Pangupakaran Sang kalayu sekaran :
 - 1) antuk mendem utawi ngeseng, makaciha pekinsan ring ibu Pratiwi utawi ring geni, salami nuptupang prabeja;
 - 2) Atiwa-tiwa (upakara pangabenan / palebon).
- a. Upacara upakara Pitra Yadnya riwusan kaabenan ngraris munggah daun bingin (ngaroras) manut dudonan Atma Wedana.

Pawos 45

wadharmaning lan tategenan prade wenten sinalih tunggil "Krama alayu sekaraan :

- a. Sang kaduhkitan patut :
 - 1) nyadokang ring Kliat tur nunas tatimbangan ring kawentenanya;
 - 2) ngaturin Banjar ngerombo makarya eteh-ete sawa saha nganter kasetra, tur katuran panyambrama canang sasida-sidaan.

na. swadharmaning.....

- a. Swadharmaning Banjar :
- 1) Klijan Banjar maritatas pamargin sang keduhkitan, napike pacang kapendem, makingsan riyin utawi lentur kaabenang;
 - 2) Prade kapendem, raris kaswarayang kulkul pamitahu manut pawos 19 (3) aksara na olih Klijan Banjar utawi wakilnya.
 - 3) Panyanggran Banjar salanturnyane :
 - ha) soang-soang Krama Banjar nedunang patus beras manut pararem.
 - na) ngarombo ngaryanin etch-etch sawa, kasarengin olih Krama sane rawuh ngarombo.
 - ca) sami Krama banjar nganter kasetra jantos puput pamendemane.
- ba. Tan kengin ngalelet langkungan ring 7 (pitung) rahina, tur patut polih pagebagan manut paetengan Klijan patus / Banjar.
- ca. Tan kalugra nginepang bangbang miwah mendem rikala:
- 1) semut sadulur.
 - 2) kala gotongan.
 - 3) Pasah.
 - 4) Kliwon, Kajeng Kliwon.
 - 5) Soma, Umanis, Taulu.
 - 6) Was panganten.
 - 7) Ingkel wong.
 - 8) Prawani, Purnama, Tilem.
 - 9) Rerahinan/piodalan ring kahyangan desa utawi kahyangan Jagat.
- ka. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kukul tur mamargi wengi/sasiliban utawi ka setra siosan (setra pakingean).
- da. Pamargin pamendeman utawi palebonan mangda nganutin sastra agama lan dresta.

Pawos 40

(1) Sane kasingsgeh kacuntaka sakadi ring sor :

- ha. cuntaka antuk kalayu sekaran;
- na. cuntaka antuk ngraja swala;
- ca. cuntaka antuk ngembaseng putra;
- ra. cuntaka antuk karuron;
- ka. cuntaka antuk sakit ila, buduh;
- da. cuntaka antuk pawiwahan;
- ta. cuntaka antuk gamia gamana;
- sa. cuntaka antuk salah timpal;
- wa. cuntaka antuk yening wenten anak istri mobot, nenten kaupakarayang pabiukawonan miwah pawidiwidana;
- la. cuntaka antuk mamitra ngalang;
- ma. cuntaka antuk yening wenten anak istri ngamedalang putra sadurunge maupakara pabiukawonan miwah pawidiwidana;
- ga. cuntaka antuk sad Tatayi.

(2) Sengker.....

(2) Sengker cuntaka manut kawentenannya:

- ha. cuntaka kalayu sekaran, cuntakanya kaanutang ring loka dresta Desa Adat soang-soang;
- na. cuntaka ngraja swala, 3 rahina ngawit saking ngraja swala utawi salamining ngraja swala;
- ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maprayascita manut sastra Agama, lanang wiadin istri;
- ra. cuntaka karuron, cuntakanya abulan pitung rahina (42 rahina) tur sampun matirta pamerayascita;
- ka. cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun mrayascita raga;
- da. cuntaka pawiwahan, cuntakanya ngatos sasampune matirta pabiukaonan utawi maupakara pawiwahan/widhi widana;
- ta. cuntaka gamia gamana, cuntakanya ngantos sasampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan;
- sa. cuntaka salah timpal kapuputang manut ring sastra Agama Hindu;
- wa. cuntaka anak istri mobot nenten kawentenan upakara pabiukaonan, cuntakanya ngantos kawentenan upakara pabiukaonan utawi pawiwahan/widhiwidana;
- la. cuntaka mamitra ngaleng, cuntakanya ngantos kawentenang upakara pabiukaonan;
- ma. ngembasang putra nenten kawentenang upakara pabiukaonan miwah pawidiwidana, cuntakanya ngatos wenten sane mameras sang putra, lan sampun kawentenan upakara manut ring sastra Agama Hindu;
- ga. cuntaka Sad Tatayi, cuntakanya ngantos sampun maprayascita raga tur nenten pisan dedos ngamunggang upakara padwijatian.

(3) Cuntaka kalayu sekaraan/kapademan :

- ha. Kapendem cuntakanya :
 - 1) cuntaka/sebel kabanjar ngantos 3 rahina riwusnya mendem/manut dresta, utawi sasampun polih pamrayascita.
 - 2) kulawargania sajeroning pakarangan ngantos 12 (roras) rahina/manut dresta (manut pararem).
- na. Kaabenang cuntakanya :
Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang rahina.

4) Sane katiben cuntaka luwire :

- ha. Kalayu sekaran sane kacuntaka :
 - 1) sang sane kalayu sekaran;
 - 2) kulawarganya;
 - 3) babanjaran;
- na. Ngraja swala sane kacuntaka :
- Sang sane ngarajaswala.
- ca. Ngembas putra sane kacuntaka :
- Kawulawargania sane ngembasang putra lanang wiadin istri.

ra. Pawiwahan

- ra. Pawiwahan sane kacuntaka :
 - Sang sane ngalaksanayang pawiwahan lanang wiadin istri.
 - ka. Sakit ila/buduh, sane kacuntaka sang sane katiben sakit ila/buduh.
 - da. Kemuron sane kacuntaka:
 - Kawula warganya lanang wiadin istri.
 - ta. Gamia gamana sane kacuntaka :
 - 1) Sang sane ngalaksanayang gamia gamana;
 - 2) Desa Adat/Kahyangannyane.
 - sa. Salah timpal sane kacuntaka :
 - 1) sang sane malaksana salah timpal;
 - 2) kulewarganya;
 - 3) Desa Adat/kahyangan.
 - wa. Anak istri mobot nenten kawntenang upacara pabiukaan sane kacuntaka :
 - Sane maraga istri (sane mobot)
 - la. Mamitra ngalang sane kacuntaka :
 - Sane ngalaksanayang mamitra ngalang.
 - ma. Ngembas putra nenten kawntenang upakara pabiukaan miwah upakara pawidi-widana sane kacuntaka :
 - 1) Sang sane ngembasang putra;
 - 2) Putra sane embas.
 - ga. Sad Tatayi, sane kacuntaka :
 - Sang sane malaksana Sad Tatayi.
-) Tan keneng cuntaka, luwire :
- 1) Sang sulinggih lan Pamangku Kahyangan tiga;
 - 2) Rikala piodalan risampun ngalang sasih/ngalang tengah.

Pawos 47

-) Attiwa-tiwa (pangabenan) kalaksanayang antuk :
- ha. Sawa prateka, pangabenan mawatang sawa;
 - na. Sawa resi, pangabenan mawatang antuk sawa kresyan;
 - ca. Suwasta, pangabenan mawatang sawa sane tan kakeniang, kagentos antuk lalang utawi toya.
-) Panemayan pangabenan wenten kalih pawos :
- ha. Ngaben dadakan/bah bangun manut pararem;
 - na. Ngaben ngamasa, manut pararem.
-) Dudonan pangabenan ngawit saking ngagah (seda), ngeseng ngantos pangiriman utawi nganyut (manut pararem).

Pawos 43

-) Pepatusan pangabenan wenten kalih pawos :
- ha. Ngaben ngamasa luwire (manut pararem).
 - na. Ngaben dadakan (manut pararem).
-) Pangingune ring Krama banjar ngawit ngayah manut abot dangan kawntenan karya (manut pararem).

palet.....

palet 4

Indik Manusa Yadnya

Pawos 49

- (1) Manusa Yadnya inggih punika upacara-upakara dharmaning kahuripan manusa, ngawit sakeng patemoning lama bang kalawan kama petak sajeroning garbha ngantos kalayu sekaran riwekas.
- (2) Upacara ring ajeng madudonan sakadi ring sor :
 - ha. magedong-gedongan duk pangerempinian ibiang;
 - na. duk sang karmareka medal;
 - ca. kepus odel;
 - ra. roras rahina;
 - ka. tutug kambuhan (42 rahina);
 - da. nigang sasihin (3 sasih);
 - ta. pawetuan/otonan/odalan (6 sasih);
 - sa. tutug kelih (ngraja swala wadone, ngembakin lanange)
 - wa. matatah/mapandea;
 - la. mewiwaha;
 - ma. mawinten.
- 3) Upacara-upakara inucap nista, madia, utama manut sastra Agama Hindu lan dresta.

Palet 5

Indik Bhuta Yadnya

Pawos 50

- 1) Bhuta Yadnya inggih punika upacara-upakara byakala ring Pratiwi lan Kahyangang, sarwa prani saba upacara-upakara ring babuthan miwah ring piranti sewosan.
- 2) Upacara pabyakala ring sarwa prani, sarwa tumuwuh muwang piranti luwire :
 - ha. Ring sarwa lelandep rikala Saniscara Kliwon wara Landep;
 - na. Ring sarwa tumuwuh lan piranti rikala Saniscara Kliwon wara Wariga;
 - ca. Ring sarwa syandana/wahana rikala Saniscara Kliwon wara Kuningan;
 - ra. Ring sarwa lelanguan rikala Saniscara Kliwon wara Krulut;
 - ka. Ring sarwa ingon-ingon/ wewalungan rikala Saniscara Kliwon wara Uye;
 - da. Ring sarwa ringgit, ukir-ukiran rikala Saniscara Kliwon wara Wayang;
 - ta. Upacara pakala-kalan manusa manut widana, kabawos pabyakala.
- 3) Upacara pabyakala ring Pratiwi, Kahyangan lan Babuthan kawaastaning macaru.

(4) Pacaruan.....

4) Pacaruan inucap ring ajeng nista, madia, utama, manut wisuna kadi ring sor :

ha. Ekasata;	na. Panca sata;
ca. Panca sanak;	ra. Resi guna;
ka. Tawur Agung;	da. Pance kelud;

5) Sajwaning kadi ring ajeng kawentenang upekara :

ha. majot-jotan utawi yadnya sesa nyabran wasan ngarateng;
na. masapuh-sapuh rikala pacang wali ring pura;
ca. Pacaruan pasesihan kalaksanayang nangken Tilem ngawit sasih ka 5, 6, 7, 8, lan ka 9, sajawanin wenten durbiksan jagat.

Pawos 51

1) Nangken ngawarsa rikalaning Tilem kasanga kawentenang tawur kasanga, kalanturang antuk ngarupuk, makasihna pacang mapag rahina panyepian benjangne.

2) Tawur kasanga inucap marupa pacaruan Panca Sata lan bebek belang kalung, maduluran pacaruan antuk godel.

3) Godel sane mangge ring pacaruan punika dereng matelusuk, mawinan kawentenang sasengker, krama desa nenten dados nelusuk miwah ngadol godel duk sasih kanem gumentos kamargiang tawur kasanga (utawi manut pararem).

4) Brata panyepian sane kamargiang olih krama Desa;

ha. amati geni;tan kengin maapi-api;
na. amati karya;tan kengin nyambut karya;
ca. amati lelanguan, tan kengin maoneng-onengan, masuwara gora,lan sapanunggalannya.
ra. amati lelungan,tan dados malancaran.

5) Pabratan inucap kamargiang sakeng semeng ngantos semeng benjangne raris kasuwarayang kulkul punika cihna pangembak.

6) Sang mamurung kecap ring ajeng keni pamidanda manut pararem Banjar, kamargiang olih patelik (pacalang Desa).

7) Riwas rahina Nyepi (benjangne) maka cihna pangawit Isaka Warsa, patut warga Desa sami madharma Santi.

PANCAMA SARGAH

SUKERTA TATA PAWONGAN

Palet 1

Indik Pawiwahan

Pawos 52

1) Pawiwahan inggih punika patemon purusa kalawan pradana, malarapan panunggalan kayun auka lila kadulurin upasakai sakala niskala.

(2) Pamargin.....

2) Pamargin pawiwahan luwire :

- ha. Pepadiken, kamanggala antuk pakrunayan;
- na. Ngarorod, marangkat riwin wawu kakrunayang;
- ca. Nyeburin utawi sentana nyeburin (risampung nganutin upakara pamerasan);

3) Pidadab sang pacang mawiwaha patut :

- ha. sampun menggeh dawa - taruna (prasida nganutin Undang-undang);
- na. sangkaning pada lila (tan kapaksa);
- ca. manut kecap sastra Agama (tan gamia gamana);
- ra. kasudiwadani prade pangambile tios Agama, utawi kapatiwangi.

4) Pamargin pawiwahan mangda taler nganutin Undang-undang Perkawinan sakeng Sang Ngawawenang.

Pawos 53

1) Pawiwahan sane kapatutang ring Desa, sakadi ring sor :

- ha. sampun kamargiang pabyakala utawi pasakapan, kasaksiang sakala niskala olih Pandita utawi Pinandita;
- na. wenten pasaksi Prajuru/Dulu desa sane mapakelingang utawi ngilikitayang pawiwahan;
- ca. sampun matengeran sawaran kulkul;
- ra. pawiwahan inucap ring ajeng sampun kacatetang ring sang Ngawawenang.

2) Parabian sane tan manut kadi kecap ring ajeng sinanggeh tan patut.

Pawos 54

ta caraning parabian patut sakadi ring sor :

- Sapa eira ugi-pacang ngawarangang pakulowarganya patut masodok ring Prajuru/Dulu desa, salanturnya Prajuru/dulu maritatas manut tan manut pamargin parabiane;
- pamargin pepadiken manut dudonan :

1) Pakrunayan jantos ping tiga, saha soang-soang malarapen:

- ha) kaprathama antuk canang/sedah;
- na) kaping kalih antuk canang pangrawos;
- ca) kaping tiga antuk daksina pajati kabawos pamuput pamadikan.

2) risampung puput raris sang istri kaajak budal ring pakubon sang-lanang, saha kelanturang antuk pabyakala.

3) mangda puput tumus sakala niskala, raris kulawarga purusa makta pajati ring Pamarajan wadone.

Prade ngarorod/marangkat patut :

- 1) reraman lanange ngawentenang pamilaku/pangenduh antuk duta sakirangnya 2 (kalih) diri;
- 2) pagenahan antene tan kengin ring pakubon sang lanang sadereng nabeyakala.

ra. Sajeroning.....

- a. Sajeroning pakrunayan/pangelukuan patut :
- 1) kamanggala antuk geng pangampura arep ring reraman wadone;
 - 2) kaigumang bawos idih pakidih utawi palegayan arep ring pasewakan sang ngidih saha dewasa pakrabkambeyane riwekas;
 - 3) kacihnayang indik kaparusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
 - 4) prade tan terima pajati, pakrunayan kamargiang jantos ping tiga.
- b. pakerab-kambeyan mapiteges upacara tinas apadang (puput) mapakuren, dwaning manut sakadi ring sor :
- 1) Sajeroning kabawos ambe, kalaksanayang ring sakala niskala masarana jejauman miwah pawidi widana :
 - ha) jejauman pinaka ngambe/ngadungang kayun soang-soang pakulawangan wadone;
 - na) widi widana pinaka pajati niskala nunas wadone ring Pamrajanya.
 - 2) Sajeroning bawos kerab pamargi ring sakala :
 - ha) antuk panyaksi Krama Banjar, dwaning kaparabieng matengeran swaran kulkul;
 - na) pamekas pasaksi Prajuru / Dulu-dulu sane ngilikitayang.

Falet 2

Indik Nyapian

Pawos 55

-) Pawiwahan prasida kawusang melarapan antuk palas parabian utawi kapademan.
-) Wusan mapakuren riantukan salah sinunggal seda mapiteges balu, makadi balu lanang/istri.
-) Palas parabian inggih punika sangkaning mawiwit wicara.
-) Sang ayat palas marabian patut atur supeksa pailikitan riyin ring sang kumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa.

Pawos 56

ta cara palas parabian sakadi ring sor:

- . nawur prabeya pasaksi sinalih tunggil sami matenga;
- . pagunakayan polih pahan pada;
- . pabekel, tadtadan soang-soang kakussa niri-niri miwah warisan kakussa olih purusa;
- . ngaweruhin miwah ngupajiwain pratisentana manut swadharmaning guru rupaka;
- . nawur pamidanda panebasan swaran kulkul manut pararem;
- . mapamit ring pamrajan lanange;
- . ngelung jinah tur kasaksinin olih praajuru/dulu desa.

Pawos.....

Pawos 57

ade riwekas sang palas kacihnun adung malih, patut :

- . ngalaksanayang pawiwahan malih;
- . kadenda nikel saking palase.

Pawos 58

) Sang balu kabinayang dados :

- ha. balu luh wit sentana (sentana rajeg) miwah balu luh boya sentana;
- na. balu muani kapurusa (wit sentana) miwah balu muani nyeburin (boya sentana).

) Swadharmaning balu inucap patut :

- ha. ngamanggehang patibrata tan kengin ngamargiang paradara/darati krama;
- na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasan, olih pratisentana utawi kulwarga pinih tampek saking kurenannya prade pratisentana kantung alit-alit;
- ca. kengin ngidih sentana prade wenten pidabdab sadurung sigalih tunggil padem, saha kabebasan olih kulawarga saking kapurusa;
- ra. Kawenangang mawiwaha malih, prade wenten kabebasan manut angka/akeara ring ajeng.

Pawos 59

lu kaucap tan pagedi sakadi ring sor :

- . daratikrama utawi paradara;
- . matilar saking pakubon tan pasadok jantos 6 (enam) sasih;
- . lempas ring swadharma sewos-sewoan, tan prasida ngesehin, solah maprawerti arep ring pituduh sane patut saking kulawarga purusa.

Palet 3

Indik Sentana

Pawos 60

-) Sentana wenten kalih pawos, sane kaucap pratisentana miwah sentana paperasan.
-) Pratisentana inggih punika sentana sane metu saking pawiwahan kapatut.
-) Prade pawiwahan tan kapatut ngawetuang sentana, mangda tan kantung kawastanin babinjat utawi astra patut kemanggala antuk panyangakara (manut pararem).

(4) Prade

- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang sang (purusa) tur risampun ngalaksanayang pawiwahan kacel in.
- (6) Sang sane dados kaarsayang sentana rajeg inucap wiwit angka (5), inggih punika :

- ha. Pratisentana wadon tunggal;
- na. Sampun kamanggehang dados pratisentana lanang (purusa);
- ca. Kapawiwahan kacaburin kautanayang olih jadma sane maagama hindu utawi jadma sane maagama siyosan sane sampun ngalaksanayang pamariauda raga utawi sudiwadani;
- ra. Sane ngamanggehang sentana rajeg patut mapasadak ring Prajuru Banjar, tur I Klijan Banjar patut nyobyahang ring Banjar saha ngaturang ring Prajuru Desa Adat.

Pawos 61

- 1) Ngangkat sentana manut dudonan patut makacihna anta berang pamerasan sane kesaksiang sakala-niskala;
- 2) Sapa sira ugi krama pacang ngidih sentana patut masadok ring Bendesa sanistana 3 (tigang) saah sadereang pamerasan. Bendesa ngalanturang pakarasa punika ring sang ngawa wenang;
- 3) Bendesa kawakilin olih Klijan Banjar nyobyahang ring sawidangan Desa, sang sapa sira ugi rumasa, tan lila mangda nyadokang masengker kalih wuku (14 rahina) sabanen pamerasan ring Bendesa Adat;
- 4) Prajuru/Dulu Desa digelis mawosin saha ngicenin pamutus nepuk ring catur dresta miwah pararem;
- 5) Prade sulur paperasan tan manut kadi kecap ring ajeng. Prajuru/Dulun Desa wenang ngandeg sang pacang mameras saha ngicenin pamutus mangda kapuputang riyin babawos, sulur utawi wicaranya.

Pawos 62

- 1) Paperasan sane kapatut ring Desa risampun makacihna :
 - ha. Widi-widana paperasan;
 - na. Kasaksinin olih Prajuru Desa sane makelingang utawi ngilikitayang.
 - ca. Kasobyahang ring wawidangan Desane.
- 2) Sane kapatut peras angge sentana kadi ring sor:
 - ha. Jatma maagama Hindu.
 - na. papernahan nedunang saking sang meras ;

ca. Kulawarga.....

- ca. Kulawarga saking purusa, prade tan wenten kengin saking wadon, yening taler tan wenten wawu kengin sakama-kama (saking kayun);
 - ra. Kautamayang saking waris pancer kapurusa;
 - ka. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tiog sakewanten sang maagama Hindu.
- 3) Kengin ngangkat sentana langkungan ring adiri, lanang wadin wadon, prade ngangkat sentana lanang wadon, nenten dados kapawiwahang.

Palet 4

Indik Warisan

Pawos 63

- 1) Warisan inggih punika tetamian arta brana saha ayah-ayah ngupadi kasukertan sakala lan niskala saking kaluhurannya, arep ring turunannya.
- 2) Kang sinanggeh warisan luwirs:
 - ha. Duwe tengah, makadi tegal, ayahan Desa, Kahyangan, puseku siwa pakarana lan sapenunggalanya;
 - na. Pamerajan;
 - ca. Pagunakayan, tadtadan / Jiwa dana, hutang piutang.
- 3) Wawu kengin kabawos warisan prade wenten :
 - ha. Sang mapiturun (pwaris) ;
 - na. Katurunan (ahli waris) ;
 - ca. Arta brana miwah tategenan makacihna warisan.

Pawos 64

- 1) Ahli waris luwirs :
 - ha. Pratisentana purusa ;
 - na. Pratisentana pradana (sentana rajeg);
 - ca. Sentana paperasan lanang/wadon.
- 2) Prade tan wenten sakadi ring ajeng, kang sinanggeh ahli waris :
 - ha. Turunan purusa pernah ngunggahang, rerama lanang, pekah salantur ipun rerama mison, mindon;
 - na. Turunan purusa pernah kasamping makadi keponakan mison, mindon.

Pawos 65

wadharmaning alih waris patut :

- a. Narima saha nguwasayang tetamian pahan saking kaluhurannya, makadi ngarempon sanggah, Pura saha pangupakaranya miwah nyelidihinin ayah-ayahan pwaris;
- a. ngabenang pwaris saha ngalanturang upacara-upakara pitra.
- a. Nawurin hutang - hutang pwaris sane manut pengeloika.

Pawos.....

Pawos 66

angepahan waris manut sakadi ring sor :

- a. Risangun kalaksanayang Pitra Yadnya lan hutang-hutang pawaris buntas katawur;
- a. Para ahli waris polih pahan pada;
- a. Sinalih tunggil ahli waris kengin tan polih pahan prade:
 - 1) Nilar kawitan lan sesenaning Agama;
 - 2) Sentana rajeg kesah mawiwaha utawi pratisentana nyeburin, soang-soang kabawas ninggal kadaton.
- a. Boya ahli waris kengin muponin hasil manut dudonan luwire :
 - 1) Sentana luh salami dereng kesah mawiwaha utawi tan *alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemawon;
 - 2) Balu luh wiadin muani nyeburin (soang-soang boya sentana);
 - 3) Mulih daha utawi taruna, riantukan ring pawiwahane pecuk sampun kabawas ninggal kadaton.
- . Pawaris kengin maweweh rikala maurip pinaka jiwa dans, tadtadan/ bekel, makacihna paweweh tetep ring pianak sane kesah mawiwaha.

Pawos 67

-) Prade sajeronin pakulawargan wenten ahli waris langkungan ring adiri patut :
 - ha. kawentenang paigum indik pedum waris inucap;
 - na. yen tan prasida katunasang tatimbang ring Prajuru (Kerta Desa);
 - ca. prade taler tan wenten cumpu ring panepas Kerta Desa, kengin katumusang ring sang Rumawas.
-) Prade karang inucap kaputungan, patut Prajuru/Dulu-dulu nibakeng ring :
 - ha. sang sinanggeh ahli waris manut pawos 64;
 - na. sang kengin anggen sentana manut pawos 62 angka (2) miwah angka (3);
 - ca. prade taler tan wenten cumpu ring panepas Kerta Desa, kengin katumusang ring sang Rumawas.
-) Prade jantos karang Desa kasepik, patut soang-soang nedunin makrama Desa marep.

Sat Sargah.....

SAT SARGAH
WICARA LAN PAMIDANDA

Palet 1

Indik Wicara

Pawoa 68

- (1) Sane wenang mawosin makadi mutusang wicara ring Desa inggih punika Prajuru / Dulu Desa sinangseh Kerta Desa.
- (2) Tata dudonan mawosin saha muputang wicara warga desa kadi ring sor :
 - ha. Kaping ajeng kabawosin olih Kelihan Banjar.
 - na. Tan cumpu ring panepas Kelihan Banjar, karerehang pamutus ring paruman banjar.
 - ca. Prade tan cumpu ring pamutus Banjar, katumusang ring Bendesa Adat lan Kerta Desa.
 - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Adat.
- (3) Prade sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawa.

Pawoa 69

- 1) Sahanan wicara mawiwit kacorahan saka luwire sinangseh nunghasin daging Awig-awig, pararem miwah paswaran Desa/Banjar. Prajuru / Dulu patut digelis mawosin tan nyantosang pasadok.
- 2) Sajaba wicara kadi ring ajeng patut nyantosang pasadok sang nunas bawos.
- 3) Panepase patut pastika nyantenang iwang patut malarapan Tri Pramana (saksi, ilikita, bukti) miwah tan maren nepek ring Catur Dresta.

Palet 2

Indik Pamidanda

Pawoa 70

- 1) Desa/Banjar wenang niwakang pamidanda ring warga Desa/Banjar sane sisip.
- 2) Paniwak inucap kalakeanayang olih Bendesa/Klian Banjar.
- 3) Bacakan pamidanda luwire :
 - ha. ayahan panukun kasisipan;
 - na. danda arta;
 - ca. kanorayang;
 - ra. panyangskara.

(4) Pamidanda.....

- 4) Pamidanda sane katiwakang patut masor singgih manut ring kasisipane.
- 5) Jinah utawi raja brana pamidanda ngaranjing dados druwen Desa/Banjar.

Pawos 71

- 1) Krama sane langkungan ring tigang paruman ngalantur tan nawur urunan miwah dadandan wenang karampag.
- 2) Rerampagan ngangge tata cara kadi ring sor :
 - ha. Kalaksanayang olih Prajuru kasarengin olih Krama saakeha tigang diri maka saksi;
 - na. Sang ngarampag sangkanin darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukeerahang barangnya sane dados wala;
 - ca. Prajuru/Dulu miteketang mangda barang-barang sane karampag digalis katebus, masenger awuku (7 rahina) ring kutus rahinane pecang kaadol;
 - ra. Tan ngahinin saluwir barang sane patut inggilang manut Agama miwah tan mademang pangupa Jiwa sang karampag.

Pawos 72

- 1) Prade sang pacang karampag ngawara (ngalangin) palaksanaan inucap mawaatu sampun tan nganutin Awig-awig Desa wenang karang Desa sane kagenahin kadaut olih Desane.
- 2) Samaliha yen purun taler ngalangin palaksanaan kadi ring ajeng tan wenten pamargi sajawaning kasepekang olih Krama Desane.
- 3) Pamidanda inucap ring ajeng keni buntas risampun sang kakeninin :
 - ha. nunas geng pangapura ring Krama Desa riantukan nguak pasubaya (pararem) pecak;
 - na. nawur pangangan panguak pasubayane duk pacang karampag kadulurin pamrayascitta penyarsap kaiwangane ring Desa.

SAPTAMA SARGAH

NGUWAH - NGUWUHIN AWIG - AWIG

Pawos 73

nguwah-nguwuhin Awig-awig Desa puniki kalaksanayang ring paruman Desa.

Awig-awig puniki kamargiang ngawit kainskep (kararemin).

Pawos.....

Pawos 74

- (1) Sakaluwirin sane wenten sadereingnya patut kaanutan ring sadaging Awig-awig puniki.
- (2) Sakaluwiring sane durung kabawos sejeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

ASTHAMA SARGAH

SAMAPTA

Pawos 75

- (1) Awig-awig puniki kararemin duk rahina Budha Kliwon Wara Gumbreg pananggal ping 4, sasih Katiga, Isaka 1923 tanggal Masehi 22 Agustus 2001 ring wantilan Desa Adat Subilang.
- (2) Awig-awig puniki kalingga tanganin olih Bendesa Adat lan Prajuru Adat, kasarangin Klian Banjar, saha kasaksinin olih Prajuru Dinas pinaka saksi.
- (3) Luwir sang ngalingga Tanganin :

ha. Kapratama Prajuru Adat :

1. Bendesa Adat


I WAYAN LATI


2. Penyarikan Karang


I KETUT MINGKUR

3. Klian Banjar Subilang



I WAYAN SUDIARTHA

4. Penyarikan Roban


I WAYAN JIWA



na. Kaping

na. Kaping kalih Prajuru Dinas puinaka saksi :

1. Kepala Dusun Subfilang

IWAYAN SUDIARTHA

2. Kepala Desa Bukian


IWAYAN SUGITA


Kamptu Camat Payangan

DRS. I MADE SARI SUDARMAPUTRA
GIANYAR

Mengetahui dan telah dicatatkan

Pada tanggal : 14 Nopember 2001
Nomor : 35 Tahun 2001


BUPATI GIANYAR

TJOKORDA GDE BUDI SURYAWAN,SH.